



Broj: 02-11-4-620-1/26
Goražde, 31.03.2026. godine

Na osnovu člana 70. stav 1. i 3. i člana 72. stav 3. tačka a) Zakona o javnim nabavkama ("Službeni glasnik BiH" br.39/14, 59/22, 50/24) u postupku javne nabavke – konkurentski zahtjev za nabavku i isporuku higijenskih proizvoda za potrebe Grada Goražda, Gradonačelnik Grada Goražda donosi:

O D L U K U

o izboru drugorangiranog ponuđača u postupku javne nabavke – Nabavka i isporuka higijenskih proizvoda za potrebe Grada Goražda

I

Ovom Odlukom se Okvirni sporazum o nabavci i isporuci higijenskih proizvoda za potrebe Grada Goražda dodjeljuje drugorangiranom ponuđaču „R&S” d.o.o. Sarajevo čija cijena ponude nakon održane e-aukcije iznosi 5.230,01 KM bez uračunatog PDV-a.

II

Drugorangirani ponuđač je u skladu sa uslovima iz tenderske dokumentacije, dužan na adresu ugovornog organa u roku od 7 dana od dana zaprimanja ove odluke dostaviti ugovornom organu, original ili ovjerene fotokopije dokaza o ispunjavanju uslova u pogledu lične sposobnosti iz člana 45. Zakona o javnim nabavkama (tačka 3.1.4. TD).

Ukoliko izabrani ponuđač ne postupi u skladu sa ovom obavezom ugovorni organ će ponuditi zaključenje ugovora ponuđaču čija je ponuda po rang listi odmah nakon ponude drugorangiranog ponuđača.

III

Ova Odluka će se objaviti na web stranici Gradske uprave Goražde www.gorazde.ba sa istovremenim upućivanjem ponuđačima, u skladu sa članom 70. stav 3. Zakona o javnim nabavkama.

IV

Ovom odlukom stavlja se van snage odluka o prihvatanju ponude ponuđača „MT-TRADE“ d.o.o. Foča za nabavku i isporuku higijenskih proizvoda za potrebe Grada Goražde broj 02-11-4-620/26 od 18.03.2026. godine,

O b r a z l o ž e n j e

Gradonačelnik Grada Goražda je dana 26.02.2026. godine donio Odluku o pokretanju postupka javne nabavke higijenskih proizvoda za potrebe Grada Goražde broj 02-11-4-620/26 putem konkurentskog zahtjeva, sa namjerom zaključivanja okvirnog sporazuma sa jednim ponuđačem na period od 12 mjeseci.

Obavještenje o nabavci broj 413-7-1-12-3-40/26 objavljeno je na portalu javnih nabavki dana 27.02.2026. godine, sažetak Obavještenja o nabavci objavljen je u „Službenom glasniku BiH” broj 18/26.

Na osnovu pomenutog obavještenja proveden je postupak prikupljanja i otvaranja ponuda što je konstatovano u zapisniku sa otvaranja ponuda od 10.03.2026. godine.

U predviđenom roku za dostavljanje ponuda do 10.03.2026. godine do 10:30 sati, ponude za nabavku i isporuku higijenskih proizvoda za potrebe Grada Goražda su dostavili sljedeći ponuđači: „Nedix prom“ d.o.o. Srebrenik, „Defter“ d.o.o. Sarajevo, „R&S“ d.o.o. Vogošća i „MT-TRADE“ d.o.o. Foča;

Komisija za provođenje procedure javne nabavke je izvršila pregled i ocjenu ponuda i konstatovala da ponude gore navedenih ponuđača ispunjavaju formalno pravne uslove za učešće, uslove u pogledu lične situacije i sposobnosti za obavljanje profesionalne djelatnosti, što je konstatovano u zapisniku o pregledu i ocjeni ponuda.

Nakon održane e-aukcije dana 17.03.2026. godine u skladu sa kriterijem za dodjelu okvirnog sporazuma „najniža cijena“ utvrđena rang lista uspješnih ponuđača kako slijedi:

R. br.	Naziv ponuđača	Konačna cijena ponude nakon održane e-aukcije bez PDV-a
1.	„MT-TRADE“ d.o.o. Foča	5.229,00 KM
2.	„R&S“ d.o.o. Sarajevo	5.230,01 KM
3.	„Defter“ d.o.o. Sarajevo	5.345,65 KM
4.	„Nedix-prom“ d.o.o. Srebrenik	5.384,00

U skladu sa utvrđenom rang listom uspješnih ponuđača i preporukom Komisije za provođenje predmetnog postupka javne nabavke, Gradonačelnik Grada Goražda je donio Odluku o prihvatanju ponude ponuđača „MT-TRADE“ d.o.o. Foča za nabavku i isporuku higijenskih proizvoda za potrebe Grada Goražda. Obavijest o rezultatima postupka javne nabavke zajedno sa Odlukom o izboru najpovoljnije ponude i Zapisnikom o pregledu i ocjeni ponuda je putem e-pošte dana 23.03.2026. godine dostavljena ponuđačima koji su učestvovali u predmetnom postupku nabavke.

U skladu sa tačkom 3.1.4. tenderske dokumentacije, kao i članom III Odluke o prihvatanju ponude ponuđača „MT-TRADE“ d.o.o. Foča broj 02-11-4-620/26 od 18.03.2026. godine izabrani ponuđač je bio obavezan da u roku od 7 dana od dana zaprimanja odluke o prihvatanju ponude dostavi dokaze o ispunjavanju uslova iz člana 45. Zakona o javnim nabavkama.

Od strane ugovornog organa je utvrđeno da je ponuđač „MT-TRADE“ d.o.o. Foča propustio da u ostavljenom roku dostavi original ili ovjerene fotokopije dokaza iz člana 45. Zakona o javnim nabavkama koji su zahtjevani tenderom, shodno čemu je u skladu sa članom 72. stav 3. tačka a) Zakona o javnim nabavkama odlučeno kao u dispozitivu ove odluke.

POUKA O PRAVNOM LIJEKU: Protiv ove odluke može se izjaviti žalba u roku od 5 dana od dana prijema iste. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom, u najmanje tri primjerka.

Uz žalbu je potrebno dostaviti dokaz o plaćenju naknade za pokretanje žalbenog postupka.

DOSTAVITI:

1. Ponuđačima „MT-TRADE“ d.o.o. Foča i „R&S“ d.o.o. Sarajevo putem e-pošte,
2. u spis,
3. a/a

GRADONAČELNIK
ERNEST IMAMOVIĆ

